

AD LIBRVM ORLAN-
DI LASSI ARTIS MUSICES PERITISSIMI.

In lucem prodire Liber, uariasq; per oras
Terrarum tuto solus abire uolens,
Ut commenderis rogitas, id quaeso precari
Desine, eget tali non tuus author ope.
Respondes, metuo ronchos, & scommata uulgi,
Siue lacer misera conditione premi,
Quippe croci abiectus fieri, piperisq; cucullus,
Aut scombris tunicas, res miseranda, dare.
Ne id metue, Alberto Boiorum Principe, quo non
Charior est Musis, uindice tutus eris.
Præterea haud tantum doctis Germania gaudet
Orlandi Lassi cantibus, atq; melis,
Tota sed Italiae regio, atq; Brabantica tellus
Illius uenæ flumina larga probant.
Ingenij admiratur opes quoq; Gallia, Solis,
Quid dicam? fama tangit utramq; domum.
Quo libet ire potes, quo te trahit atq; uoluntas,
Inuidiæ non est quod uereare minas,

aa 3 Anxius